

爾

雅

古

注

斟

戊寅十一月子續編修轡贈子續今夏  
客維揚時女士之婿黃君所詒峇峇李  
閨幃中曷此經師詢佳語矣恐伯識

葉氏士介雅古雅

爾雅箋注之學隆於漢代武帝初曾置博士而漢志不  
詳其事其著於七錄者有韃爲文學劉歆樊光孫炎五  
家然郭景純爾雅注自序謂注者十餘則魏晉之間又  
有專門之學爲七錄所未收者矣景純作注綴集異聞  
會粹舊說而不顯姓氏邢昺作正義時五家之注度仍  
有存者昺學術至淺陋又罕徵古誼故五家之注宋以  
後不復行於世漸微漸湮無有珍護而收集之者至王  
雱陸佃輩之書行俚儒俗師嚮壁虛造卽經文已多淆  
亂況舊注乎外舅江都李賓嶠先生治說文文選之學  
爲江淮耆宿外姑葉太君亦研覃訓詁閨幃之中以問

奇析疑爲娛說太君病爾雅舊注自宋以來無裒輯善  
本余氏鉤沈未臻詳備舛誤尤多邵氏郝氏正義爲疏  
證景純之書其采舊注因文附著誼非專家甘泉黃氏  
句容陳氏並有輯本而未傳於世因刺取羣經正義釋  
文逮唐宋類書凡五家之注及舊注失姓名者悉與甄  
錄以溯景純注所從出其景純以後沈旋施乾謝嶠顧  
野王裴瑜之音注孫炎高璉之義疏此別一孫炎爲郭注作疏者師  
法不遠曲說未淆亦附存之旁及異字逸文舊讀以畧  
見古本面目景純之注疊經刊改已非完書別有音義  
圖贊今亦不傳其見稱引咸著於篇偶有發明卽詮釋

注文之下多說通轉段借之例而箴邵郝正義之失尤多精確整齊別白部居秩然誠爲治爾雅者不可不讀之書也太君爲前明刑部左侍郎葉公相之裔繼可先生之女孫幹初先生之女家世文學門閥方雅弟蘭卿先生孝友樂善爲名諸生太君承母杜夫人之教工詩善琴而博聞者古篤志著述又如此昔伏女之書韋母之禮皆關於經學絕續之際太君之斟錄雅注乃乾嘉諸儒所欲爲或爲之而未成者以視伏韋傳書之功雖時有難易而有裨經術則無不同焉壽曾承命校勘因備書撰述之義例以告讀者

光緒二年春正月朔儀徵劉壽曾識

爾雅古注斟卷上

甘泉葉魚爾如

釋詁第一 樊光李巡本作故

釋文

蕙心案說文言部引詩曰詁訓即詩古訓是式之古  
訓詁通作故漢書藝文志有大小夏侯解故詩有魯  
故齊后氏故齊孫氏故韓故毛詩故訓然則古訓故  
訓詁訓並聲同義通

胎始也孫炎云大才反

釋文

舊注云胎始養也

一切經音義一

蕙心案漢人注經祇云讀如讀若讀作孫炎始反  
切

后

君也

孫炎云后王君王也

禮內則正義

廓

大也

孫炎云廓張之大也

一切經音義九

蕙心案方言云張小使大謂之廓孫義本此

宏

樊光云周禮曰其聲大而宏

書正義

墳

樊光云詩有賁其首

書盤庚正義

蕙心案今詩作有頌其首樊注引作賁當出三家詩  
頌正字賁借字墳賁古通

路

舍人云輅車之大也

荀子哀公問篇注

冢

舍人云封之大也

書泰誓正義

蕙心案冢與墳同義方言冢秦晉之間謂之墳引申



爲大之通稱詩乃立冢土書友邦冢君周禮天官冢宰皆是

劉 孫炎云都耗反 郭璞音陟孝反 並釋文

販 孫炎云方滿反 釋文

旺 樊光云郅可見之大也 史記司馬相如傳索隱舊

音之日反 釋文

蕙心案今本通作旺說文無旺字釋文云本又作至又作厯蓋旺乃厯之譌郅乃至之借郭注云至極是郭已改從至字

艘 至也 孫炎云古屈字 釋文 郭音屈 釋文

蕙心案作艘是也郭注云宋曰屈據方言艘宋語也  
釋文云郭音屈則郭注不作屈可知孫注亦不作屈  
必唐時本已誤

祥

善也

李巡云祥福之善也

左氏成十六年傳正義

鮮

郭音義云本或作𦵏非古斯字

釋文

蕙心案鮮善一聲之轉鮮斯亦聲近段借詩北山云  
鮮我方將鄭箋云鮮善也又詩鮮民之生書惠鮮鰥  
寡諸鮮字皆古斯字若作𦵏爲不詞矣郭音義故以  
爲非

緜

郭勅淫反

釋文

資賜也

蕙心案釋詁賜也無釐字大雅既醉云釐爾女士孔疏引釋詁云釐予賜也知資字樊李舍人諸古本必有作釐者說文資賜也从貝來聲釐來一聲之轉耳

叙

緒也

孫炎曰謂端緒也

史記正義

怡懌

樂也

舊注曰怡心之樂也懌意解之樂也

一切經音義一

般

蕙心案文選東都賦及鷦鷯賦注並引爾雅作盤樂今本作般說文昇喜樂貌正字也隸省作弁詩小弁毛傳弁樂也通作般假作盤書無逸篇文王不敢盤

于遊田

適

自也

孫炎云適古述字讀聿亦音餘橘反

釋文

蕙心案詩適駿有聲適追來孝毛傳皆云適述也以

今字釋古字

漠

謀也

孫音莫

舍人云心之謀也

並釋文

咨

蕙心案文選魏都賦注引爾雅作諮謀从俗體也古

祇作咨

康樂也

蕙心案文選琴賦注引爾雅作愷康樂也

典常也

孫炎云典禮之常也周禮太宰疏

範法也

蕙心案一切經音義二引爾雅範法也說文範法也  
亦通范禮運范金合土鄭注范鑄作器用

夏郭苦八反釋文

辜辜也舊注云辜禮義之罪也一切經音義二

黃髮壽也舍人曰黃髮老人髮白復黃也詩南山有臺

行葦正義孫炎曰黃髮髮落更生者行葦正義

鮐背 舍人曰鮐背老人氣衰皮膚消瘠背若鮐魚也

詩行葦正義

考 孫炎曰耆面如凍梨色如浮垢老人壽徵也 詩行

華正義

舍人曰耆觀也血氣精華觀竭言色黑如狗

矣 左氏傳二十二年傳正義

壽也 釋文作耆

憇心案說文耆久也从老省鬲聲隸變作壽釋文作

耆必古注本如此

亶 信也 爾雅亶信也展者言之誠亶者行之誠 周禮司

服正義

憇心案展者二語似引爾雅舊注之文

亮 舊注云諒知之信也 一切經音義十七

蕙心案亮通諒舊注作諒必爾雅古本如此說文諒信也方言衆信曰諒舊注出於說文方言

詭浪笑敖戲詭也 舍人曰詭戲詭也浪意萌也笑心

樂也敖意舒也戲笑邪戲也詭笑之貌也

詩終風正義

蕙心案意萌邢疏引作意朗不誤說文詭戲也引詩善戲詭兮則戲詭二字本互相訓以釋詁之例推之是詭浪笑敖戲五字皆訓詭觀舍人注各字分訓自知郝氏義疏謂詭浪笑敖四字爲句本詩終風篇戲詭二字爲句本毛傳戲詭不敬雖戲詭可統釋詭浪笑敖之辭然究不得執彼例此

繇於也孫音由釋文

仇匹也孫炎云逮相求之匹也詩關雎正義李巡曰仇

讎怨之匹也

蕙心案孫注作逮李注作仇毛傳與孫同鄭箋與李

同逮正字仇借字也禮記緇衣引詩君子好仇亦通

段之證

妃嬈也某氏云天立厥配詩皇矣正義郭音譬釋文

蕙心案毛詩妃作配傳云配嬈也義本爾雅妃配古

今字

紹繼也爾雅注云紹繼道也一切經音義八



蕙心案當是漢人舊注郝氏義疏云此舍人注未審何本

肩 舍人云繼世也 左氏隱十三年傳正義

係 繼也

蕙心案後漢書班彪傳云系唐統李賢注引爾雅系繼也係系古通用

頤 靜也 孫郭五鬼反 釋文

蕙心案盧刻釋文作五果反郝氏義疏云果當作累字形之譌又邵氏正義引釋文作五鬼反當近是

湮 落也 郭音因 釋文

祈告也孫炎曰祈爲民求福叫告之詞也一切經音義九

蕙心案釋言祈叫也義同

諄郭音碎告也釋文

蕙心案文選思予賦通幽賦注並引作訊告也後漢

書張衡傳注引作諄告也古訊諄二字經典通用

遡遡也郭湯革反釋文

蕙心案郭注引書曰遡矣西土之人今書作述說文

遡部述古文作遡

悠遡也舍人曰悠行之遠也一切經音義九

虧毀也郭許宜反釋文

圯

孫房美反

釋文

雉

陳也

樊光云雉夷也夷平也

左氏昭十七年傳正義

案

官也

李孫郭並七代反

樊光音七在反

釋文

喬

高也

郭音橋

釋文

崇

充也

舍人云威大充盛

左氏傳正義

果

勝也

孫炎曰慄決之勝也

一切經音義九

蕙心案廣韻云倉頡篇果敢作此慄據叔然注知爾

雅古本作慄釋文云亦作慄音果本今作果是唐時

爾雅猶有作慄者

肩

舍人曰肩強之勝也

書盤庚正義

堪

孫炎曰戡強之勝也

書西伯戡黎正義

蕙心案孫本作戡說文邑部引書西伯戡黎

敦

勉也

蕙心案文選西都賦注引爾雅惇勉也釋文作敦

茂

蕙心案文選東京賦注引爾雅懋勉也尙書大誓云

茂哉茂哉書皐陶謨作懋哉懋哉

昏

強也

孫炎曰昏夙夜之強也

書盤庚正義

台

我也

孫羊而反

釋文

余舍人注卑謙之身也

孫炎曰舒遲之身也

左氏

傳正義

飲

進也

舊注云飲甘之進也

龍龕手鑑四

郭持監反

釋

文

介

右也

孫炎曰介者相助之義如人之左右手故以介

爲左右也

詩生民正義

劼

固也

郭古八反

釋文

挈

郭音義本與掣指物同

釋文

禕

美也

舍人云禕者心之美引詩曰禕禕它它如山如

河

釋文

蕙心案禕美之禕字當从元今本竝釋文皆从衣作

禕禕后祭服也非是舍人引詩作禕蓋本三家詩重言之爲禕禕

鑠

蕙心案史記李斯傳索隱引爾雅言百鎰之美也蓋舊注文

輯

和也

蕙心案文選褚淵碑注引爾雅緝和也

泯

盡也

李巡云泯沒之盡也

詩桑柔正義

罄

孫炎曰罄竭之盡也

一切經音義九

殲

舍人曰殲衆之盡也

詩黃鳥正義

摯聚也 孫子由反郭音適釋文

搜

蕙心案小雅角弓正義引釋詁言婁斂聚也婁爲屢之正字正義引爾雅以申式居婁驕之義鄭箋婁斂也孔蓋本鄭箋婁斂之訓約釋詁而爲之解非釋詁本有婁斂聚也之文

壑虛也 郭胡郭反釋文

隍 舍人云隍城池也 李巡曰隍城池壑也詩韓奕正義

漵 某氏注云周禮云野荒民散則削之詩召旻正義

郭云本亦作荒荒亦邱墟之空無釋文

蕙心案今本郭注爾雅作壑阬阬以釋文斟之或疑郭本多一阬字少一荒字不知濂乃荒之異文易包荒釋文引鄭讀爲康云虛也正與雅訓同

束

擇也

蕙心案文選東京賦魏都賦長楊賦注竝引爾雅作簡擇也

竦

懼也

蕙心案文選廣絕交論注引爾雅聳懼也故文選長楊賦云整與竦戍李善注竦與聳古字通

怖



蕙心案莊子釋文引爾雅怖懼也今無此文

瘖痛

病也

孫炎曰痛人疲不能行之病瘖馬疲不能進

之病也

詩卷耳正義

廼頽

孫炎曰馬病不能升之病

詩釋文

蕙心案爾雅釋文廼頽下有瘖字引字林云病也又云今經注無此字別出瘖者必孫李樊氏諸家注廼有作瘖者故釋文云廼說文作瘖今說文無此字蓋字林之譌頽釋文作瘖

𠂔黃 孫炎曰𠂔黃馬更黃色之病

詩卷耳正義

邢

蕙心案郭注云廼頽𠂔黃皆人病之通名而說者便

謂之馬病郭氏云說者指孫注而言郭以爲人病通  
名者郭因毛傳痛瘡虺頽皆釋爲病不以爲馬病不  
知毛作詩傳正用爾雅也孫注痛瘡虺頽予黃皆指  
爲馬病不以爲人病不知孫因詩有我馬虺頽我馬  
予黃我馬瘡矣之文是孫就詩義釋爾雅也況詩予  
黃毛傳云馬病則予黃亦就詩言是爾雅之痛瘡虺  
頽予黃病也凡人病物病皆得通名郭安得執此例  
彼

瘡

舊注瘡勞病也

龍龕手鑑四

瘋

孫炎云瘋者畏之病也

釋文

室俗作癩  
若俗作癩  
正字作癩  
癩字亦作癩

癩癩癩癩 舍人云癩癩癩癩皆心憂憊之病也 釋文

癩

郭作拘攣同力專反

釋文

憊心案文選登徒子好色賦注引爾雅攣病也蓋爾雅古本有作攣者郭音義因破其字作攣攣者借字攣者俗體正字作癩說文癩臞也引詩棘人癩癩兮今素冠詩作樂毛傳云樂樂瘠貌箋云瘦瘠也樂亦借字

癩

憊心案說文惺病也正字爾雅癩病也俗字詩段作里大雅雲漢篇云如何里詩釋文引爾雅作惺陸氏

何於爾雅本文不知作惺但作里也下文惺憂也郭注引詩曰悠悠我惺今詩作里毛傳云里病也憂病義本相承何郭氏知惺憂之惺作惺不知瘧病之瘧亦當作惺也

瘧

孫炎曰瘧滯之病也

釋文

瘧

孫炎曰疫病

釋文

蕙心案瘧者瘧之或體詩下民卒瘏傳云瘏病也緇衣引詩作卒瘏鄭注亦云病也說文瘏勞病也故下又訓勞

恙

憂也

蕙心案匡繆正俗八引爾雅云恙憂心也此當是爾雅舊注

恤 孫炎曰恤救之憂也 一切經音義九

勦 勞也 孫炎曰習事之勞 詩習習谷風正義 郭音謚字

亦作肄 釋文

蕙心案郭注引詩曰莫知我勦左氏昭十六年傳作莫知我肄勦肄古通

勦

蕙心案一切經音義十二引爾雅來勞也錢氏 大昕

曰勦當爲勦卽勞來之來郭注云倫理事務以相約

勅亦為勞斯為鄉壁虛造矣錢說是也釋文來本又作勅則勅字明是勅字之誤

愉

蕙心案郭注云勞苦者多憺愉今字或作贏同一切經音義引爾雅贏勞也七見郭云今或作贏則作愉者為古本

勛

勞也健為舍人曰勞力極也一切經音義九

庸

舊注云庸勞也文選思平賦注

來

舍人曰來強事也一切經音義十二

蕙心案邵氏正義併強事二字本舍人注溷入正文

案勛勞也  
勛勞也  
也

家八字  
當補  
二字

郝氏義疏云今偕偕士子偕強也士事也此卽強事  
之義王氏經義述聞引釋言釋訓及爾雅釋文大雅  
板篇正義舍人諸注謂舍人注有總釋經文之例此  
注來強事下安知其無脫文未可遽以強事爲來之  
訓釋第此三說皆非有確證姑備述以待參攷

怒

思也

舍人曰怒志而不得之思也

詩汝墳正義

戢

福也

郭音箭

釋文

祓

孫炎曰祓除之福

詩生民正義

禋

祭也

孫炎曰禋絜敬之祭也

書舜典正義

祀祠

舍人曰祀地祭也祠天祭也

一切經音義二

嶠 危也

舊注曰事之危也

龍龕手鑑二

郭音聿

釋文

戡

近也

郭音剗

釋文

汜

孫炎曰汜近也

詩民勞正義

亶

厚也

樊光曰詩云逢天亶怒

左氏傳正義

某氏曰詩

云俾爾亶厚

詩桑柔正義

蕙心案今詩作逢天俾怒俾與單同單謂之厚俾亦謂之厚俾單皆亶之段借字天保傳云單信也或曰單厚也蓋據爾雅亶有信厚兩訓言之

祐

舊注云謂福厚也

一切經音義二

謨

僞也

郭音慕

釋文



食 舊注食偽也

文選思平賦注

孫炎曰食言之偽也

左氏僖二十八年傳正義

書湯誓正義

行 言也 郭下孟反

釋文

話 舍人曰話政之善言也

書立政正義

孫炎曰話善

人之言也

書盤庚正義

遯逢

遇也

蕙心案漢書叙傳集注鄧展曰爾雅寤逢遇也寤與

晤通詩可與晤歌毛傳晤遇也遯寤叠韻

遯 舊注云心不欲見而見曰遯

龍龕手鑑四

蕙心案遯通作遯列子黃帝篇遯物而不習殷敬順

釋文云選一本作選

頰視也

蕙心案文選魏都賦注引爾雅眺視

閒也

舊音閑

釋文

瘞

微也

郭音醫

釋文

匿

舍人曰匿藏之微也

左氏哀十六年傳正義

微也

舊注云謂逃竄也

一切經音義

安止也

孫他果反郭他回反又他罪反

釋文

射

厭也

蕙心案文選月賦注引爾雅戮厭也射戮二字經典

通用

枯

直也

郭音角

柔

安也

某氏注詩曰懷柔百神

詩柔柔正義

夷

易也

樊光曰雉者夷也夷平也

左氏昭十七年傳正義

矢

弛也

弛

易也

施李音尸紙反下音亦

釋文

蕙心案弛施古字通陸氏釋文於李音上加一施字可知李本弛字作施郭氏於矢弛也注云弛放於弛易也注云相延易皆非義也詩矢其文德正義云矢施也謂施陳文德據知爾雅之弛當讀如施又矢其文德孔子閒居作弛其文德鄭注弛施也是施即弛

字段音爾雅借弛爲施禮記借弛爲矢一也又詩施于孫子鄭箋施猶易也延也論語君子不施其親孔注施易也可證弛易之卽施易矣

毗劉暴樂也 舍人曰毗劉爆燥之意也木枝葉稀疏

不均爲爆燥也 詩桑柔正義 樊光本毗作庇云廕也

樂郭音洛 釋文

蕙心案正義引爾雅作爆燥與舍人同然則爾雅以爆燥爲句蓋爆燥猶剝落郭注謂樹木葉缺落蔭疏暴樂義本舍人

覲髮弗離也 弗郭亡羊反 釋文

蕙心案說文見部覲下引爾雅曰覲髮弗離郭注謂草木之叢茸翳蒼也弗離卽彌離彌離猶蒙龍也孫叔然字別爲義失矣蓋郭云叢茸卽覲髮之轉聲翳蒼卽弗離之疊韵郭更伸言彌離蒙茸者舉字之因聲以見義例可類推皆以識孫之失耳孫注今無可攷

諂疑也郭音緇他刀反釋文

楨幹也舍人曰楨正也築牆所立兩木也書費誓正義

翰義舍人曰翰所以當牆兩邊障土者也詩桑扈正義  
書費誓正義

備也

郭方輔反

釋文

圉垂也

舍人云圉邊垂也

左氏隱十一年傳正義

孫炎

曰圉國之四垂也

詩桑柔正義

憇心案桑柔正義引舍人注圉拒邊垂也比左氏傳

正義引多拒字

些

此也

郭音些

釋文

嗟

疑也舊注云嗟楚人發語端也

文選吳都賦注

蕙心案郭注今河北人云嗟嘆音免且觀舊注以爲

楚人語郭注以爲河北人語各據方俗語不必同也

串

習也

舍人云串心之習也

一切經音義九

郭五患反

釋文

塵

久也

孫炎曰塵居之久久則生塵矣

書盤庚正義

舊

注塵久也

文選思平賦注

蕙心案書失于政陳于茲傳訓陳爲久正義引釋詁  
文塵久也而云古塵陳同蓋塵陳以聲爲訓郭注以  
爲塵垢非古義也

間

代也

孫炎曰間厠之代也

書益稷正義

郭音古應反

釋文

饌

饋也

舍人曰饌自家之野也

詩楚茨正義

孫炎曰饌

野之餉

同上

歠熙興也

歠郭音歠又音欽

釋文

蕙心案樂記正義引爾雅作歠喜興也歠者歠之假

音也

棲遲

息也

舍人曰棲遲行步之息也

詩衡門正義

憇

舊注云憇止之息也

一切經音義二

舍人云憇卧

息也

一切經音義十九

蕙心案說文尸部眉臥息也爲正體舍人注與說文

合而憇从俗體蓋眉字經典罕見憇字則承用已久

歠

孫本作快郭音苦樂反

釋文

緜

孫虛貴反郭海拜反

釋文



咽

某氏注詩云民之攸暨

詩縣正義

郭許四反孫許

器反

釋文

供峙

具也

郭舍人爾雅注曰共具物也峙具事也

文選

羽獵賦注

蕙心案宋氏

翔鳳

言郭舍人即與東方朔為射覆者

攷釋文序錄爾雅有犍為文學注一云犍為郡文學

卒史臣舍人漢武帝時待詔又西京雜記郭威字文

偉茂陵人好讀書以謂爾雅周公所制而有張仲孝

友張仲宣王時人非周公之制明矣郭舍人或即此

人峙字作侍峙者侍之借字又當作峙峙者峙之俗

體又通作庠詩臣工云痔乃翦縛傳云痔具也

妯動也郭盧篤反又徒歷反釋文

契絕也郭苦計反釋文

伯長也舍人云伯位之長也一切經音義九

算數也舍人云釋數之曰算書盤庚正義

澗治也某氏云詩曰屈此羣醜詩泮水正義

蕙心案澗爲汨之借字說文汨治水也泮水篇屈此

羣醜箋云屈治也又澗字之通借

亂舍人云亂義之治也孫炎曰亂治之理也前書

微子正義

溢慎也

舍人云溢行之慎也

詩維天之命正義

某氏注

詩云假以溢我慎也

詩桑柔正義

任

佞也

孫炎曰似可任之佞也

書舜典正義

懷

因也

孫樊如羊反引論語其父攘羊釋之作攘注云

因來而盜曰攘

釋文

蕙心案書奪攘擣虔鄭注有因而盜曰攘無敢寇攘

鄭注因其亡失曰攘皆據訓因之證懷者攘之假音

樊孫之本懷作攘可知

珍享

獻也

犍爲舍人云獻珍物曰珍獻食物曰享

文選

羽獵賦注

纂取也舊注云盜位曰纂一切經音義二

俘李巡曰大敵曰俘伐執之曰取左傳僖二十二年正義

在存也舍人曰在見物之祭書堯典正義

枿餘也李巡曰枿槁木之餘也書盤庚正義

元良首也

蕙心案書疏益稷謨引釋詁云元首首也疏據唐本

元良疑元首之譌

賡續也孫音庚釋文

蕙心案詩大東有長庚正義引釋詁庚續是爾雅之賡亦假作庚書正義又引作西有長庚是庚賡可

互假

卽尼也孫炎曰卽猶今也尼者近也書高宗彤日正義

尼定也舍人曰尼者私之定也邢疏

暱近也舍人曰暱戚之近也左氏閔元年傳正義孫炎

曰暱親之近也文選注孫炎曰昵親近也書泰誓正

義孫炎曰尼近也書高宗彤日正義

蕙心案說文暱或作昵通作尼故孫注云尼近也文

選注引爾雅昵近也書典祀無豐于昵昵字乃衛包

改

卒終也李巡曰卒事之已也一切經音義九

會 郭音迺

釋文

卒 死也 舍人曰卒病之終也 一切經音義九

釋言第二

斯 離也 孫炎曰斯析之離 詩墓門正義

徇 徇也 李巡曰徇徇之均也 詩桑柔正義 樊本作徇郭

音巡 釋文

蕙心案史記五帝紀幼而徇齊索隱引爾雅徇周徧

也

駟 傳也 舍人曰驛尊者之傳也 左傳文十二年正義 孫

炎曰傳車驛馬也 左傳昭十二年正義 郭音義云本

或作遷釋文

蕙心案驛駟古今字今本爾雅皆作駟陸氏釋文字

當作驛從古本也

荒奄也孫炎曰荒大之奄也詩皇矣正義

底致也郭璞曰底音指文選報任少卿書注

蕙心案此郭氏音義文也詩者定爾功毛傳者致也

詩釋文耆毛音指

侈恃也

蕙心案廣韵引爾雅恃事曰侈又龍龕手鑑一引爾雅云恃事自侈也此皆爾雅舊注

通述也

蕙心案詩文王有聲正義引爾雅作曰述蓋曰聿古

通聿喬互段

無傲也郭大孤反釋文

鞠程也郭璞曰鞠一作毓詩鴟鴞正義

蕙心案詩鴟鴞正義引爾雅曰鬻稚又引郭璞曰鞠

一作毓此蓋郭氏音義鬻毓鞠古字通

貿市也郭注交易物爲貿一切經音義

蕙心案今注無此語或郭氏音義

荐再也孫炎曰荐草生之再也左氏襄四年傳正義郭



徂很反 釋文

原 舍人曰本作蠃 釋文

蕙心案郭注今呼重蠃爲蠃郭義本舍人注

救 撫也 郭敷靡反孫敷是反 釋文

臞 瘠也 舍人曰臞瘦也 史記司馬相如傳索隱

舊注臞

肉之瘦也 文選謝靈運初去郡詩注

枕 充也 孫作光古黃反 釋文

睭 亟也

蕙心案一切經音義引爾雅昵亟也

忒也 孫炎曰忒變雜不一不一卽忒忒卽差矣

蕙心案貳者賁之譌說文恣失常也隸變作貳禮月  
令宿離不貳不貳不賁也

饋餽

稔也

孫炎云蒸之曰饋均之曰餽

詩洞酌釋文

蕙心案稔詩洞酌釋文引爾雅作飪說文飪火孰也  
飪正字稔借字邵氏正義謂郭注今呼餐飪爲饋饋  
熟爲餽詩疏引今呼餐者修者修二字當作音修

媵

送也

孫炎曰送女曰媵

後漢書皇后紀注

將

孫炎曰將行之送也

詩燕燕正義

覃

延也

孫叔然云古覃字同

釋文

蕙心案陸氏釋文云本又作燾字下引孫叔然說據

孫說則孫本必作燭

佻偷也

李巡曰佻偷薄之偷也

左氏昭十年傳正義

孫

炎曰偷苟且也

同上

蕙心案玉篇引爾雅作佻薄也

啜茹也

舍人曰啜茹舍也

左氏定四年傳正義

禦圉禁也

舍人曰禦圉未有防預之也

一切經音義九

憤發也

舍人曰闔明發行

詩汶水正義

李巡孫炎郭璞

注同

同上

蕙心案據詩正義則郭注亦有闔明之語今注祇引詩齊子愷悌鄭箋豈當讀爲闔古文尙書以弟爲圉

園明也則闔明卽愷悌異文

峻農夫也 孫炎曰農夫田官也 詩七月正義

蓋 裂也 舍人本作害 釋文

誣諉累也 孫炎曰楚人曰誣秦人曰諉 釋文 誣郭置

睡反 同上

蕙心案列子釋文引爾雅作誣諉累去也去字疑涉

累字下半而譌

漠 清也 樊光曰漠然清兒 釋文

庇庥 蔭也 孫炎曰庇覆之蔭也 一切經音義九 舍人曰

庇蔽也秣依止也本或作休 左氏文十七年傳正義

麻郭許州反

釋文

優吧也

孫炎曰心吧也

詩桑柔正義

蕙心案孫注心吧之吧當作悒吧悒之或體

祺

祥也

舍人曰祺福之祥也

某氏注引詩云維周之

祺

詩清廟正義

浹

微也

郭音接

釋文

替

廢也

李巡曰替去之廢也

一切經音義九

琛

寶也

舍人曰美寶曰琛

詩泂水正義

舊注琛質也

文

選思平賦注

郭舒金反

釋文

蕙心案舊注琛質也郝氏義疏云質與寶異琛質之

訓與爾雅又乖攷廣韵睬賁也琛與睬通質或賁之

譌

紕

飾也

郭方寐反

釋文

凌

慄也

樊光注作凌冰凜也力膺反

釋文

蠲明也

樊光云蠲除垢穢使令清明

邢疏

茅明也

舍人曰茅昧之明也

左氏宣十二年傳正義

明朗也

樊光曰詩云高朗令終日月光明

左傳昭五年正義

偁

舉也

蕙心案文選注引爾雅稱舉也案說文偁揚也揚與

舉義同字當作偁故郭注引書曰偁爾戈

坎律銓也

樊光曰坎卦水也水性平律亦平銓亦平

也

左氏宣十二年傳正義

冥幼也

孫炎曰冥幽闇之窈也

詩斯干正義

某氏曰

詩曰噦噦其冥

同上

蕙心案幼蓋窈之省幼亦通幽幽窈義同文選思

賦歎逝賦李善注引說文云冥窈也今本說文作冥

幽也李善所引說文又或爾雅之譌郭注訓作幼穉

非是

俅

戴也

孫炎曰詩曰戴弁俅俅

蕙心案毛詩戴作載傳云載戴也載戴古通

𦼮 𦼮也

舍人曰𦼮謂毛𦼮也胡人續羊毛作衣

書禹貢

正義

孫炎曰毛𦼮爲𦼮

同李本作毳昌銳反釋文郭

璞云𦼮音狸

詩大車正義

烘燎也 舍人曰烘以火燎也

詩白華正義

郭巨凶反

孫音恭

釋文

烘炷也 舍人曰炷炷竈也

詩白華正義

郭音恚

釋文

樊藩也

孫炎曰樊圃之藩也

詩青蠅東方未明正義

庶侈也

舍人曰庶衆也侈多也

詩楚茨正義

孫炎曰

庶豐多也

同上

蕙心案舍人本侈也楚茨詩維豆孔庶鄭箋庶侈也



訓本爾雅作𦵏者必爾雅古本

𦵏

孫炎樊光本并作將且而無𦵏

釋文

蕙心案郭本作𦵏𦵏𦵏者壯之異體郭注𦵏猶𦵏也  
𦵏亦作𦵏𦵏𦵏聲同義通

舫

泊也

孫炎曰方水中爲泊筏也

詩漢廣正義

樊本

作坊

蕙心案孫作方是也釋水云大夫方舟詩方之舟之  
皆作方方舫古今字樊本作坊蓋舫之譌舫又舫之  
借字

泊也

樊本作坊

釋文

郭曰木曰簞竹曰筏小筏曰泊

同上

蕙心案說文汭編木以渡也釋文引郭注與今本郭注異必郭氏音義中語汭埜聲通

洵均也 李巡曰洵徧之均也 某氏引詩云其下侯

洵 詩桑柔正義 郭音巡 釋文

逕也 孫郭徒答反 釋文

是則也

蕙心案說文丩部徙徙行兒引爾雅徙則也是本借字郭注是解作事非也

賑富也

蕙心案文選魏都賦注引爾雅賑振也

憺怒也

舍人曰憺怒聲也

詩板正義

揆度也

孫炎曰揆商度也

一切經音義九

愬飢也

李巡曰愬宿不食之飢也

詩填正義

里邑也

李巡曰里居之邑也

左襄公九年傳正義

綱介也

李孫舍人本并云補羅也介別也

釋文

蕙心案說文無補字李孫舍人本之補疑絲之譌離

羅一聲離又綱之借字

苞稹也

孫炎曰物叢生曰苞齊人名曰稹

書禹貢正

義

稹郭振真二音

釋文

逕寤也 孫本逕字作午

釋文

蕙心案莊子釋文引爾雅選忤也

渝變也 舍人作孺

釋文

宜肴也 李巡曰宜飲酒之肴也

詩女曰雞鳴正義

耄老也 孫炎曰耄者色如生鐵

詩車鄰正義

舍人云

年六十稱也

左氏傳九年傳正義

孫他結反云老人

面如鐵色

釋文

絢絞也 李巡曰絢繩之絞也

詩七月正義

跋躡也 李巡曰跋前行曰躡跲郤頓曰寔

詩狼跋正義

郭音貝

釋文

蕙心案跋者跟之假音故郭音貝是也

蹇踰也

踰郭音甲

釋文

烝塵也

孫炎曰烝物久之塵也

詩桑柔正義

飫私也

孫炎曰飫非公朝私飲酒也

詩常棣正義

孺屬也

李巡曰孺骨肉相親屬也

詩常棣正義

柢本也

蕙心案周禮典瑞云圭有邸鄭注引爾雅邸本也

寗閒也

舍人本作跳云跳者躍之間

郭徒了反

釋文

檢同也

李郭居儉反

釋文

邛過也

韃爲舍人爾雅注尤怨人也

注

文選帛屈原文

蕙心案據舍人注爾雅古本當作尤列子楊朱篇釋文引爾雅正作尤過也尤當作訖詩俾無訖兮毛傳訖過也尤訖通用作郵借字也

逖逖也

孫炎曰遁逃去也

詩狼跋正義

蕙心案說文逖遁也逖與遁通孫本作遁

𦥑𦥑也

孫炎云前覆曰𦥑

左氏定八年傳正義

蕙心案左氏傳定八年正義引釋言云𦥑𦥑也證以孫注是爾雅古本作𦥑

虹潰也

李本作降下江反

釋文

爾雅注云潰散也

易

繫傳正義

蕙心案虹與訐通詩蝨賦內訐傳云訐潰也李以降  
爲訐禹貢曰北過降水水經河水注云水不遵其道  
曰降亦曰潰又說文泝水不遵道玉篇泝潰也是降  
泝音皆如訐虹爲訐之借字易引爾雅注舊注也

紉膠也

郭音駟

釋文

閤臺也

孫炎云積土如水渚所以望氛祥也

詩釋文

鬱氣也

李巡曰鬱盛氣也

一切經音義二

哲智也

舍人曰哲大智也

書彞典正義

殛誅也

蕙心案詩苑柳後予極焉鄭箋極誅也正義極誅也

釋言文詩致天之屈鄭箋屈極也釋言文釋言又云  
極誅也兩據正義所用則古本爾雅有作極者極借  
字也

弁蓋也

孫炎曰弁覆也

詩閟宮正義

恫痛也

郭音呻恫音通亦音恫字或作恫

釋文

握具也

李本作幄

釋文

蕙心案詩夏屋鄭箋屋具也正義云釋言文則字亦  
作屋

闕恨也

孫炎本作很云相很戾也

李巡本作恨云

闕相怨恨也

左氏僖二十四年傳正義

很孫音戶懇反

釋文



左傳正義引釋言亦作閼很郭注相怨恨從李注也  
詩常棣傳閼很也曲禮很毋求勝鄭注很閼也毛鄭  
俱從很蓋古義如此與孫說同

燬火 李巡云燬一名火 孫炎云方言有輕重故謂

火爲燬

詩汝墳正義

郭云燬齊人語

釋文

遇偶也 郭璞云遇值也

文選注

郭云偶爾相值者矣

一切經音義

蕙心案文選注兩引爾雅作偶遇也一切經音義二  
亦引作偶遇也釋名耦遇也二人相對偶也然則爾  
雅古本作偶遇也此兩引郭注當出音義

惶暇也

李巡曰遑閒暇也

左氏襄二十九年傳正義

蕙心案惶遑字通郭注引詩曰不遑啟處字從李本

宵夜也

舍人云宵陽氣消也

書堯典正義

釋文

楮拄也

蕙心案廣韵引爾雅楮柱也俗从手楮古通支國語

韋注支拄也義本爾雅

遞迭也

李巡曰遞者更迭

書益稷正義

廩藪也

舍人云廩少鮮也

孫炎云廩藏穀鮮絜也

釋文

蕙心案經典無廩字孫炎言鮮絜舍人言少鮮皆以

癰爲鮮癰从广或涉廩字而謾

追逃也

樊光云行相避逃謂之追

書太甲正義

干扞也

孫炎曰干楯所以自蔽扞也

詩采芣釋文

跣刑也

李巡曰斷足曰跣

書呂刑正義

坵圯也

孫炎曰坵土塊也

儀禮既夕疏

啟跪也

李巡云啟小跪也

左氏襄八年傳正義

蕙心案釋文跪作跽

騁密也

蕙心案經典無騁字釋訓絲絲孫注云詳密也絲音

近騁騁密音近騁密當卽絲密之異體

觚姑也 舍人云觚廔也 一曰面貌也 謂自專擅之貌

孫李云觚人而姑然也 並釋文

鬻糜也 孫炎云鬻淖糜也 左氏僖二十八年傳正義

翮蘇也 蘇翳也 李巡云翮舞者所持蘇也 詩苑邱正

義 孫炎云蘇舞者所持羽也 詩君子陽陽正義

隍壑也 舍人云隍城池也 壑溝也 李巡云隍城也

池壑也 並詩韓奕正義

萑蓐也 孫炎曰皆擇菜也 某氏曰萑猶援也 並詩

關雎正義

蕙心案某氏注援字當是拔字之譌 說文萑作蓐云

拔取也廣雅舉拔也可證芼訓擇者詩左右芼之傳  
云芼擇也孫本毛傳芼乃現之借字說文現擇也玉  
篇亦云擇引詩左右現之

狃復也

李巡曰狃音復狃能屈申曰復

釋文

孫郭云

狃怵前事復爲也

詩大叔于田正義

班賦也

李巡云班徧賦與也

一切經音義十四

孫炎

云謂布與也

書舜典正義

縉綸也

孫炎云皆繩名也

詩何彼穠矣正義

漿盞也

李巡云吐味漿也

郭音牛齡反

釋文

皇華也

樊光云詩云皇皇者華

孫炎云皇皇猶煌

煌也

詩皇華正義

蕙心案皇華當作華皇也釋草郭注引釋言云華皇也釋文亦先皇後華今本誤倒耳

釋訓第三

明明斤斤察也

孫炎云明明性理之察也

詩常武正

義

舍人云明明言甚明也斤斤物精詳之察

孫炎

云斤斤重慎之察也

樊居靳反

釋文

條條智也

舍人本作攸攸

釋文

穆穆肅肅敬也

蕙心案史記司馬相如傳云攸攸睦睦集解引漢書

音義曰睦敬本於爾雅也睦卽穆之借字

靡靡和也

蕙心案文選笙賦注引爾雅作雍雍和也四子講德  
論注又作邕邕和也靡說文爲辟靡字作雖作邕隸  
之省作雍者隸之變

矯矯勇也

舍人云矯矯得勝之勇也

釋文

洸洸

武也

舍人本作橫

釋文

蕙心案說文黃芡聲芡古光字故兕觥之觥亦作觥

濟濟止也

孫炎云濟濟多士之容止也

詩卷阿正義

薨薨衆也

顧舍人本作雄雄

釋文

蕙心案釋文序錄有犍爲文學注三卷陸更注云舍人漢武帝時待詔前所稱舍人云舍人本者皆指犍爲文學茲別稱顧舍人者序錄又云謝嶠舍人顧野王並撰音則顧當指顧野王舍人也與謝嶠本二人委委舍人云禕禕者心之美引詩云亦作禕釋文蕙心案今詩君子偕老作委委佗佗韓詩作禕禕聲相借耳釋詁亦云禕美也

佗佗

美也

李巡曰委委佗佗寬容之美也

詩偕老正義

孫炎曰委委行之美佗佗長之美

同上

顧舍人云禕

禕它它如山如河

釋文



蕙心案邢疏引李注寬字作皆

怗怗愛也 郭徒啟反與愷悌音同 李余之反怗怗

和適之愛也

釋文

媿媿安也 孫炎曰提提行步之安也

詩葛屨正義

蕙心案媿提古通孫本作提與毛詩同媿媿正字提

提借字

簡簡大也 李巡曰簡簡降福之大也

詩執競正義

萌萌在也 郭武耕反

釋文

蕙心案玉篇引爾雅云藹藹在也又云萌同藹或作

萌廣韵耕登二部引爾雅亦俱作藹又云本亦作萌

又作憇與玉篇同文子上禮篇其政悶悶其民潛淊

悶音近忒萌音近獲一聲之轉悶悶又蘭蘭之省

慍慍 郭騷草蕭三音

釋文

赫赫迅也 孫炎曰赫赫顯著之迅

詩常武正義

舍人

本作奭失石反郭音釋

釋文

躍躍 樊本作濯濯引詩曰濯濯厥靈

釋文

綽綽爰爰也

邵氏正義云釋文有重語二字舊疏亦述監本郭注多脫誤今據宋本於注皆寬緩也四字下補悠悠偁偁丕丕簡簡存存懋懋庸庸綽綽盡重語二十三字

此邵氏補之是也蓋悠偁不簡諸訓雖見釋詁釋言而重語之字於詩爲多重訓著於釋訓正見別於單詞之見於釋詁釋言乃知古人著書不憚繁瑣以曉人者如此

樽樽喜也 舍人云樽樽舞兒

釋文

瞿瞿休休儉也 李巡曰皆良士顧禮義之儉也

詩蟋

蟀正義

旭旭憍也 郭呼老反

釋文

蕙心案旭旭卽詩驕人好好之異文也旭說文讀若好郭音是也

蹻蹻

孫炎曰謂驕慢之貌

詩板正義

郭居天反

釋文

夢夢訕訕亂也

孫炎曰夢夢昏昏之亂也

詩抑正義

顧舍人云夢夢訕訕煩滿亂也

釋文

邈邈悶也

舍人曰貌貌憂悶也

詩抑正義

蕙心案抑詩正義引爾雅作貌貌與舍人本同舍人

本毛詩

洄洄惛也

郭音韋音義云本或作惛

釋文

蕙心案說文引爾雅作惛惛積積據說文則爾雅洄

洄下當有潰潰二字詩潰潰回遹

版版蕩蕩僻也

李巡曰版版失道之僻也蕩蕩弗思

之僻也

釋文

孫炎云蕩蕩法度壞廢之僻

詩板正義

蕙心案李孫本皆作蕩蕩釋文盪與蕩同云本或作

盪

熾熾薰也

郭徒冬反

釋文

居居究究惡也 李巡曰居居不狎習之惡 孫炎曰

究究窮極人之惡

詩羔裘正義

仇仇敖敖傲也 傲舍人本作毀釋云仇仇無倫理之

貌警警衆口毀人之貌李同

釋文

蕙心案詩板傳囂囂猶警警警者囂囂之正字敖

又警之省潛夫論明忠篇引詩云聽我敖敖與爾雅

同

眈眈瑣瑣小也

眈郭音徒

舍人云形容小兒

釋文

舍人云瑣瑣計謀褊淺之貌

詩節南山正義

慘慘愠也

李巡曰慘慘憂怒之愠

詩抑正義

蕙心案戴氏震云詩中慘慘皆作燥燥然則爾雅之

慘慘亦皆燥燥之譌詩北山釋文慘字亦作燥燥五

經文字引亦作燥燥是唐初本猶未盡譌作慘慘也

殷殷憂也

樊光於謹反

釋文

蕙心案釋文作慙慙俗體

慙慙慙慙

蕙心案後漢書注引爾雅惓惓下脫惓  
惓或亦恹恹之譌

惓惓

郭祖充祖公二反

釋文

蕙心案集韻引祖俱作粗

畇畇田也

郭音巡

釋文

畇畇耜也

舍人云畇畇耜入地之貌

詩良耜正義

郝郝耕也

舍人云釋釋猶藿藿解散之意

詩載芟正義

蕙心案詩載芟正義引爾雅亦作釋釋郝氏義疏謂

舍人本作郝郝猶藿藿後人因毛詩作釋釋遂妄改  
舍人作釋釋此說非也據舍人用本字今詩作澤澤

澤澤者釋釋之借字郝郝者藿藿之異體夏小正農  
及雪澤管子乘馬篇作雪釋是也郝从赤聲赤與澤  
釋亦音通相假

繹繹生也 舍人云繹繹穀皆生之兒 詩載芟正義

緜緜穰也 孫炎云緜緜言詳密也 郭璞云芸不息  
也 詩載芟正義

掙掙穫也 孫炎曰掙掙穫聲也 詩良耜正義 郭丁秩

反 釋文

栗栗衆也 李巡曰栗栗積聚之衆也 詩良耜正義

溘溘淅也 煇煇烝也 樊光曰詩曰釋之溘溘烝之煇



煇 孫炎曰湏湏浙米聲煇煇炊之氣也 詩生民正

義 湏郭蘇刀反詩云浙之湏湏煇郭音浮 釋文

蕙心案今詩作釋之叟叟蒸之浮浮孫樊諸本作湏  
湏煇煇叟湏一聲之轉煇浮音同義通

峨峨祭也 舍人曰峨峨奉璋之貌 詩棫樸正義

鏗鏘樂也 舍人曰喤喤鐘鼓之樂也 詩執競正義

蕙心案詩鐘鼓喤喤舍人所本正字作鏗鏘釋文作

喤喤

穰穰福也 舍人曰穰穰衆多之貌 某氏引詩言穰

穰是福豐之貌也 詩執競正義

于于孫孫引無極也 舍人曰子孫長行美道引無極

也 詩卷阿正義

頤頤卬卬君之德也 孫炎曰頤頤體貌溫潤也卬卬

志氣高遠也 詩卷阿正義

藹藹萋萋臣盡力也 舍人云藹藹賢士之貌萋萋梧

桐之貌 孫炎云言衆臣竭力則地極其化梧桐盛

也 詩卷阿正義

蕙心案郭此節注梧桐茂賢士衆地極化臣竭忠衆  
忠爲韵 嚶嚶喈喈節注鳳凰應德鳴相和百姓懷附  
興頌歌和歌爲韵 蓋自子子孫孫節至秩秩清也 郭

多有韵或似銘贊或似歌詞蓋古人詞章小學相爲  
表裏若司馬相如班固楊雄之徒其最著也惜郭氏  
爾雅圖讀今日僅留數章耳

佻佻愈還急也

蕙心案文選魏都賦注引爾雅作嬋嬋大東篇釋文  
引韓詩作嬋嬋往來兒佻嬋古字通

悽悽懷報德也

郭本或作萋

釋文

儵儵罹禍毒也

樊本作攸引詩攸攸我里

郭徒的

反

釋文

蕙心案今詩作悠悠我里

皋皋瑁瑁刺素食也

舍人曰皋皋不治之貌

詩召晏

正義

某氏曰無德而空食祿也

同上

樊光本作浩古

老反

釋文

某氏曰韜韜無德而佩故刺素餐

詩大東

正義

郭音瑁戶茗切

類篇一

灌灌惺惺憂無告也

樊本作途

釋文

蕙心案說文心部引爾雅作惺惺惺惺

憲憲洩洩制法則也

李巡曰皆惡黨爲制法則也

孫炎曰厲王方虐諂臣並爲制作法令

詩板正義

蕙心案邵氏爾雅正義洩洩作泄泄唐石經泄多作

洩避諱改

諛諛諛諛崇讒慝也 舍人曰諛諛諛諛皆盛烈貌

孫炎曰厲王暴虐詔臣諛諛然喜諛諛然盛以興讒

慝也 詩板正義

蕙心案今詩作煇煇

訛訛翕翕莫供職也 李巡曰君闇蔽臣子莫親其職

詩小旻正義

抑抑密也 舍人曰威儀靜密也 詩抑正義

蕙心案詩假樂鄭箋引爾雅而釋之曰成王立朝之

威儀緻密無所失教令又清明天下皆樂仰之

掣曳也 孫炎曰謂相掣曳入於惡也 詩小旻正義

朔北方也

舍人曰朔盡也北方萬物盡故言朔也

李巡曰萬物盡於北方蘇而復生故曰北方

書堯典正義

饔酒食也

舍人本作饔釋云古曰饔

釋文

李巡曰得

酒食則歡喜也

詩七月正義

舞號零也

孫炎云零之祭也有舞有號

暨不及也

蕙心案文選赭白馬賦文賦注並引爾雅作暨及也

無不字

憫恂慄也

憫郭音簡恂郭音峻

釋文

骭瘍爲微腫足爲蹇

孫炎曰皆水濕之疾也

詩巧言

正義

郭作扞音古岸反

釋文

是刈是穫煮之也 舍人曰是刈刈取之是獲煮治

之

孫炎曰煮葛以爲絺綌

詩葛覃正義

敏母也

孫炎曰拇迹大指處

舍人本作畝釋云古

者姜嫄履天帝之迹於畝畝之中而生后稷

詩生民正義

蕙心案郝氏義疏云隸書畝作畝敏畝形誤然舍人

本作畝注又明言畝畝敏畝音通相段非形近也

張仲孝友

李巡曰張姓仲字其人孝故稱孝友

詩六

月正義

美女爲媛

孫炎曰君子之援助然

詩借老正義

美士爲彥

舍人曰國有美士爲人所言道

詩羔裘正義

其虛其徐威儀容止也

孫炎曰虛徐威儀謙退也

詩

北風正義

猗嗟名兮目上爲名

孫炎曰目上平博是眉眼之間

也

詩猗嗟正義

之子者是子也

李巡曰之子者論五方之言是子也

詩漢廣正義

禮褻肉袒也

李巡曰禮褻脫衣見體曰肉袒

孫炎

曰袒去褻衣

詩大叔于田正義

徒搏也 舍人曰無兵空手搏之

詩大叔于田正義

論語述而正義



徒涉也

舍人曰無舟而渡水曰徒涉

詩小序正義  
論語述而正義

遽條口柔也

李巡曰遽條巧言好辭以口饒人是爲

口柔

詩新臺正義

舍人曰遽條巧言也

孫郭竝云

遽條之疾不能俯口柔之人視人顏色常亦不伏因

以名云

釋文

戚施而柔也

舍人曰令色誘人

李巡曰戚施和顏

悅色以誘人是謂面柔也

孫郭注云戚施之疾不

能仰面柔之人常俯似之因以名云

釋文

夸毗體柔也

李巡曰屈已卑身求得於人曰體柔

詩

板正義

舍人曰卑身屈已也

樊引詩云無爲夸毗

李孫郭竝云屈已卑身以柔順人也

釋文

婆娑舞也

李巡曰婆娑盤辟舞也

孫炎曰舞者之

容婆娑然

詩東門之楊正義

絨羔羊之縫也

孫炎云絨縫之界域

釋文

殿屎呻也

孫炎曰人愁苦呻吟之聲也

詩板正義郭

上音香惟反又音丁念反下音許和反

釋文

俯張誑也

孫炎曰眩惑誑欺人也

詩防有鵲巢正義

釋親第四

父之姊妹曰姑

孫炎曰姑之言古尊老之名也

詩泉

水正義

樊光曰春秋傳曰姑姊妹

左襄十三年傳正義

宗族

母之昆弟曰舅

孫炎曰舅之言舊尊長之稱

詩渭陽正義

母黨

妻之姊妹同出爲姨女子謂姊妹之夫曰私 孫炎曰

同出俱已嫁也私無正親之言

詩碩人正義

女子同出謂先生爲妯後生爲娣 孫炎云同出謂俱

嫁事一夫也

左氏成十一年傳正義

妻黨

爾雅古注斟卷上

埤芮曾麟校字